

## इब्रनियन क पत्र

परमेस्सर अपने पूत क माध्यम स बोलत ह

**1** परमेस्सर त अतीत में नबियन क जरिये कइयउ अवसरन प कउनउ तरह स हमरे पूर्वजन स बातचीत किहेस।

<sup>2</sup>मुला इन आखिरी दिने में उ हमसे अपने पूत क जरिये बातचीत किहेस, जेका ओ सब कछू क उतराधिकारी नियुक्त किहेस अउर जेकरे द्वारा उ समूचे ब्रह्माण्ड क रचना किहेस।

<sup>3</sup>उ पूत परमेस्सर क महिमा क प्रभा-मण्डल अहइ अउर ओकरे प्रकृति क प्रतिलिपि अहइ। उ अपने समर्थ बचन क द्वारा सब चीजन क स्थिति बनाए रखत ह। सबके पापन क धोअइ क उ सरगे में ओह महामहिम क दहिने हाथे बइठि गवा। <sup>4</sup>एह तरह उ सरगदूतन स एतना ही महान बनि गवा जेतना कि ओनके उ किहेन। उ सबइ नाउँ स उत्तिम नाउँ बाटइ जउन उ उत्तराधिकार में पाए अहइ।

<sup>5</sup>काहेकि परमेस्सर तउ कउनो सरगदूतन स कभी अइसेन नाहीं कहेस:

“पूत तू मोर, आजु तोहार बनि गवा हउँ मई पिता।”

भजन संहिता 2:7

अउर न ही कउनो सरगदूत स उ इ कहेस ह,

“पिता ओकर मई बनबइ, अउर होइ पूत उ मोर।”

2 समूएल 7:14

<sup>6</sup>अउर फिन उ जब आपन पहिलौटी क लड़का अउर महत्वपूर्ण कसंसार में लावत ह तउ कहत ह,

“परमेस्सर क सरगदूतन सब ओकर नमन करइँ।”

व्यवस्था विवरण 32:43

<sup>7</sup>सरगदूतन क बारे में बतावत उ कहत ह,

“सरगदूतन उ अपने सब पवन बनावइ अउर बनावइ आपन सेवक लपट आगी का।”

भजन संहिता 104:4

<sup>8</sup>मुला अपने पूत क बारे में उ कहत ह:

“हे परमेस्सर, सास्वत तोहर सिंहासन बा, तोहार राज दण्ड बाटइ नेकी;

<sup>9</sup> नेकी ही तोहका पिआरी बा, तोहका घृणा रही पापन स तउन परमेस्सर, तोहर परमेस्सर तउ चुना बा तोहका अउर ओह महान आनन्द दिहेस। तोहका कहुँ जियादा तोहरे साथियन सा।”

भजन संहिता 45:6-7

<sup>10</sup>उ इहउ कहत ह,

“हे परभू सृस्टि क जब होत रहा जन्म मैं तुमने सरग तथा धरती क नींव राख्या यह तोहरे हाथ का ही कारज अहइँ।

<sup>11</sup> अउर इ सब नस्त होइ जइहीं मुला रहेगा तू चिरन्तर पुरान कपड़ा स फटि जइहीं इ सबइ

<sup>12</sup> अउर तू परिधान जइसेन ओनका लपेटब्या बदल उ जइहीं फिन कपड़ा जइसेन। मुला तू तउ अहसेन, जैसा की चाहया रहब्या तोहरे समइ का कबहुँ न अन्त होई।”

भजन संहिता 102:25-27

<sup>13</sup>परमेस्सर त कबहुँ कउनो सरगदूत स अइसेन नाहीं कहेस:

“बइठ जा तू दहिने मोरे कि ब जब तलक मई न तोहरे दुस्मनन क, चरन क चौकी बनाइ देउँ चरन तल तोहरे।”

भजन संहिता 110:1

<sup>14</sup>का सबहिं सरगदूत उद्धार पावइवालन क सेवा क बरे पठई गईन सहायक आत्मा नाहीं अहइँ।

सावधान रहइ क चेतावनी

**2** एह बरे हमका अउर जियादा सावधानी क साथे, जउन कछू सुने अही, ओह प धियान देइ चाही ताकि हम भटकइ न पाइ। <sup>2</sup>काहेकि अगर सरगदूतन द्वारा दीन्ह गवा उपदेस सत्य होत ह अउर ओकरे हर

एक उल्लंघन अउर अवज्ञा क बरे उचित सजा दीन्हा गवा तउन अगर हम अइसेन महान उद्धार क अपेच्छा कइ देत अही तउ हम दण्ड स कइसे बची।<sup>3</sup> एह उद्धार क पहिली घोसना पर्भू क जरिये की गइ रही। अउर फिन जे एका सुने रहेन, उ हमरे बरे एकर पुस्टि किहेस।<sup>4</sup> परमेस्सर तउ अचरजन, अद्भुत चिन्हन तरह-तरह क अद्भुत कारजन उ पवित्तर आतिमा क उन उपहारन द्वारा जउन ओकर इच्छा क अनुसार बाँटा गवा रहा, एका प्रमाणित किहेस।

### उद्धारकर्ता मसीह क मानुस देह धारण

<sup>5</sup>ओह भावी संसार क, जेकर हम चरचा करत अही उ सरगदूतन क अधीन नाहीं किहेस, <sup>6</sup>बल्कि पवित्तर सास्तरन में कउनउ स्थान पर कउनो इ साच्छी दिहे अहइ:

“परमेस्सर का बा मनई जउन तू ओकर सुध लेत अहा? का अहइ हर मनई क पूत जेकरे बरे अहा चिंतित तू?

<sup>7</sup> तू सरगदूतन स किंचित ओका कम कीहा तनिक स समइ क रख दिहा ओका सिर महिमा अउर सम्मान क राजमुकुट

<sup>8</sup> अउर ओकरे चरनन तरे ओकरे अधीनता में रख दिहा सभन कछू।”

भजन संहिता 8:4-6

सब कछू क ओकरे अधीन रखत भए परमेस्सर तउ कछू भी अइसेन नाही छोड़ेस जउन ओकरे अधीन न होइ। फिन भी आजकल हम हर एक चीज क ओकरे अधीन नाहीं देखत हई।<sup>9</sup> मुला हम इ देखित हई कि उ ईसू जेका तनिक समइ क बरे सरगदूतन स नीचे कइ दीन्ह गवा रहा, अब ओका महिमा अउर सम्मान क मुकुट पहिनावा गवा बा काहेकि उ मउत क यातना झेले रहा। जे परमेस्सर क अनुग्रह क कारण उ हर एक लोग क बरे मउत क अनुभव किहेस।<sup>10</sup> परमेस्सर एक ही बाटइ जउन सबहि चीजन क बनएस। अउर सबहि चीजन ओकरी महिमा बरे अहई। कइयउ बेटवन क महिमा प्रदान करत भवा उ परमेस्सर क बरे जेकरे द्वारा अउर जेकरे बरे सब क अस्तित्व बना भवा बा, तउ उ ईसू क पूर्ण बनाएस। ओकरे बेटवन क इ सोभा देत ह कि उ ओनके छुटकारा क विधाता क जातनन क द्वारा पूरा सिद्ध करइ।

<sup>11</sup>उ दुइनउँ ही-उ (ईसू) जउन मनई क पवित्तर बनावत ह अउर उ पचे जउन पवित्र बनाव जात हीं, एक्कई परिवा क अहई। इहीं बरे उ (ईसू) ओन्हन क भाइयन तथा बहिनियन कहइ मैं लजा नाहीं करत ह।<sup>12</sup> ईसू कहेस,

“आपन भाइयन मैं नाउँ क उद्घोस तोहरे मई करबइ सभा क बीच सबके सामने प्रसंसा गीत तोहरे गउबइ मई।”

भजन संहिता 22:22

<sup>13</sup>अउर फिन,

“मई ओकर बिसवास करबइ”

यसायाह 8:17

अउर फिन उ कहत ह:

“मई इहाँ हउँ। अउर उ पचे सन्तान जउन हइन साथे मोरे हई दीन्ह जेनका मोरे परमेस्सर।”

यसायाह 8:18

<sup>14</sup>काहेकि संतान माँस अउर लहू स युक्त रही इही बरे ऊहउ ओनकइ इ मानुसता मैं सहभागी होइ गवा ताकि अपने मउत क जरिये उ ओका मतलब सइतान क खतम कइ सकइ जेकरे लगे मारइ का सकती बाटइ।<sup>15</sup> अउर ओन्हन क मुक्त कइ लेइ जेकर सम्पूर्ण जीवन मउत क बरे आपने भय क कारण दास्ता मैं बीता बा।<sup>16</sup> काहेकि उ निश्चित बा कि उ सरगदूतन नाहीं बल्कि इब्राहीम क बंसजन क सहायता भी करत अहइ।<sup>17</sup> इही बरे उ सब तरह स ओकरे भाइयन क जइसा बनाव गवा ताकि उ परमेस्सर क सेवा मैं दयालु अउर बिसवासी महायाजक बनि सकइ। अउर लोगन क ओनके पापन क छमा देवोंवइ क बरे बलि दइ सकइ।<sup>18</sup> काहेकि उ खुदइ ओह समइ, जब ओकर परीच्छा लीन्ह जात रही खूबइ जातना भोगे अहइ। इही बरे जेकर परीच्छा लीन्ह जात बाटइ उ ओकर सहायता करइ मैं समर्थ बा।

### ईसू मूसा स महान

**3** अतः सरगे क एक बोलावा मैं भागीदार हे पवित्तर भाइयो! आपन ध्यान ओह ईसू प लगाइ रखा जउन परमेस्सर क प्रतिनिधि अउर हमार घोसित बिसवास क अनुसार महायाजक अहइ।<sup>2</sup> जइसेन परमेस्सर क समूचा घरे मैं मूसा बिसवासी रहा वइसे ही ईसू भी जे ओका नियुक्त किहे रहा ओह परमेस्सर क बरे, बिसवास स भरा रहा।<sup>3</sup> जइसेन घर क निर्माण करइवाला खुद घर स जियादा आदर पावत ह, वइसेन ईसू मूसा स जियादा आदर का पात्र माना गवा अहइ।<sup>4</sup> काहेकि हर एक भवन क कउनउ न कउनउ बनावइ वाला होत ह, मुला परमेस्सर तउ सब चीज क सिरजनहार अहइ।<sup>5</sup> परमेस्सर क समूचा घराना मैं मूसा एक सेवक क समान बिसवास पात्र रहा, उ ओन्हन बातन का साच्छी रहा जउन बिसवस मैं परमेस्सर क जरिये कही जाइ क रहिन।<sup>6</sup> मुला परमेस्सर

क घर में मसीह तउ एक बेटवा क रूपे में निस्टावान योग्य अहइ अउर अगर हम अपने साहस अउर ओह आसा में बिसवास क बनाए रखित तउ हम ही ओकर घराना हई।

### अबिसवासियन क विरुद्ध चेतावनी

<sup>7</sup>एह बरे पवित्तर आतिमा कहत ह:

- “आज अगर ओकर सुना आवाज़,  
<sup>8</sup> जिन करा आपन हिरदय क जड़ रहेन किहे जइसेन बगावत क दिना में जब तू पचे रेगिस्तान में परमेस्सर क परखे रहया  
<sup>9</sup> मोका परखेन तोहार पूर्वजन तउ, लिहेन परीच्छा धीरज क मोर ओ सबइ अउर देखेन काम मोर जेहे मई करत रहेउं चालीस बरस!  
<sup>10</sup> इहइ रहा उ कारण जेसे क्रोधित मई ओन्हन लोगन स रहेउं; अउर फिन मई कहे रहेउं, ‘हिरदय एनकइ भटकत रहत रहेन हमेसा ही का नाहीं इ जानतेन जउन रस्ता मोर’  
<sup>11</sup> क्रोध में मई इही स तब सपथ लइके कहे रहेउं ‘इ कबहुँ बिग्राम में मोरे न सामिल होइहीं।’”

भजन संहिता 95:7-11

<sup>12</sup>भाइयो तथा बहिनियो, देखत रहा कहुँ तोहमों स कउनो क मन में पाप अउर अबिसवास न समाइ जाइ जउन तोहे सजीव परमेस्सर से भी दूर भटिकाइ देइ। <sup>13</sup>जब तलक इ “आजु” क दिना कहवावत ह, तू हर दिन परस्पर एक दुसरे क बाँडेस बंधावत रहा जइसेन तोहमों स कउनउ पाप क छलावा में पड़िके जड़ न बनि जाए। <sup>14</sup>अगर हम अंत तक मजबूती क साथे अपने आरम्भ क बिसवास क थामे रहित ह तउ हम मसीह क भागीदार बनि जाइत ह। <sup>15</sup>जइसेन कि कहा भी गवा बा:

“आजु अगर ओकर सुना आवाज़! न करा आपन हिरदय क जड़ रहे किहे जइसेन कि बगावत क दिनन में।”

भजन संहिता 95:7-8

<sup>16</sup>भला उ पचे कउन रहेन जइसेन उ पचे सुनेन अउर बिग्रोह किहेन? का उ पचे उहइ सब नाहीं रहेन जेहे मूसा तउ मिश्र स बचाइ क निकाले रहा? <sup>17</sup>उ चालीस बरसन तलक केन पड़ि क्रोधित रहा? का ओनहीं प नाहीं जे पाप किहे रहेन अउर जेनकर ल्हास रेगिस्तान में पड़ा रहेन? <sup>18</sup>परमेस्सर केनके बरे सपथ उठाए रहा कि उ पचे ओकर बिग्राम में प्रवेस न कर पइहीं? का उ पचे उहइ सब नाहीं रहेन जे ओनके आज्ञा क उल्लंघन

किहे रहेन? <sup>19</sup>एह तरह हम देखित अही कि उ पचे अपने अबिसवासे क कारण ही उहाँ प्रवेस पावइ में समर्थ नाहीं होइ सका रहेन।

**4** अतः जब ओकरे बिग्राम में प्रवेस क प्रतिज्ञा अब तलक बनी भइ बाटइ तउ हमका सावधान रहइ चाही कि तोहरे में स कउनउ अनुपयुक्त सिद्ध न होइ। <sup>2</sup>काहेकि हमकउ ओनही क समान सुसमाचार क उपदेस दीन्ह गवा बा। मुला जउन उपदेस ओ पचे सुनेन ह, उ ओनके बरे बेकार बा। काहेकि उ पचे जब ओका सुनेन तउ एका बिसवास क साथे धारण नाहीं किहेन। <sup>3</sup>अब देखा, हम तउ जउन बिसवासी अही ओह बिग्राम में प्रवेस पाए अही। जइसेन कि परमेस्सर कहे भी बाटइ:

“क्रोध में मई इही स तब सपथ लइके कहे रहेउं, ‘इ पचे कबहुँ बिग्राम में मोरे नाहीं सामिल होइहीं।’”

भजन संहिता 95:11

जब संसार क सृष्टी करइ क बाद ओकर काम पूरा होइ गवा रहा। <sup>4</sup>उ सतवाँ दिना क सम्बन्ध में एन सब्दन में कहुँ पवित्तर सास्तर न में कहा बाटइ “अउर फिन सतवें दिना आपन सभन कामन स परमेस्सर तउ बिग्राम लिहेस।” \* <sup>5</sup>अउर फिन उपरोक्त सन्दर्भ में भी उ कहत ह, “उ पचे कबहुँ बिग्राम में मोर न सामिल होइहीं।”

<sup>6</sup>जेनका पहिले सुसमाचार सुनावा गवा रहा आपन अनाज्ञाकारिता क कारण उ तउ बिग्राम में प्रवेस नाहीं पाइ सकेन मुला अउरन क बरे बिग्राम क दुवार अबक खुला बा। <sup>7</sup>इही बरे परमेस्सर तउ फिन एक बिसेस दिन निश्चित किहेस अउर ओका नाउं दिहेस, “आजु” कछू बरसन क बाद दाऊद क दुवार परमेस्सर तउ उ दिन क बारे में पवित्तर सास्तर में बताए रहा। जेकर उल्लेख हम अबहीं किहे रहे:

“आजु अगर ओकर सुना आवाज़, न करा आपन हिरदय क जड़।”

भजन संहिता 95:7-8

<sup>8</sup>अतः अगर यहासु ओनका बिग्रामे में लइ गवा होत तउ परमेस्सर बाद में कउनउ अउर दिना क बारे में न बतउतइ। <sup>9</sup>तउ खैर जउन भी होइ परमेस्सर क भक्तन क बरे एक वइसी बिग्रान्ति रहत अहइ जइसेन बिग्रान्ति सातवें दिना परमेस्सर क रही। <sup>10</sup>काहेकि जउन कउनो परमेस्सर क बिग्रान्ति में प्रवेस करत ह, अपने करमन स बिग्रान्ति पाइ जात ह। वइसेन ही जइसेन परमेस्सर तउ अपने करमन स बिग्रान्ति पाइ लिहेस। <sup>11</sup>तउ आवा हमहुँ

“अउर ... लिहेस” उत्पत्ति 2:2

ओह बिभ्रान्ति मैं प्रवेस पावइ क बरे हर एक प्रयत्न करीं। ताकि ओकर अनाज्ञाकारिता क उदाहरण क करत भए कउनो क पतन न होइ।

<sup>12</sup>परमेस्सर क बचन त सजीव अउर क्रियासील बा, उ कउनो दुधारी तलवार से भी जियादा पैना बा। उ आतिमा अउर प्राण, संधियन अउर मज्जा तलक मैं गहिरा बेध जात ह। उ मन क वृत्तियन अउर बिचारन क परख लेत ह। <sup>13</sup>परमेस्सर क दिस्टी स एह सम्बन्धे सृष्टी मैं कछू भी ओझल नाहीं बाटइ। ओकरे आँखिन क सामने जेका हमका लेखा-जोखा देइ क बा, हर चीज बिना कउनो आवरण क उघड़ी हुई बाटइ।

### महान महायाजक ईसू

<sup>14</sup>एह बरे काहेकि परमेस्सर क पूत ईसू एक अइसेन महान महायाजक अहइ, जउन सरगे मैं स होइके गवा अहइ तउ हमका अपने अंगीकृत अउर घोसित बिसवास क दृढता क साथे थामे रखइ चाही। <sup>15</sup>काहेकि हमरे लगे जउन महायाजक अहइ, उ अइसेन नाहीं अहइ जउन हमार कमजोरी क साथे सहनुभूति न रख सकइ। ओका हर तरह स वइसेन ही परखा गवा बा जइसेन हमका फिन भी हमेसा पाप रहित बा। <sup>16</sup>त फिन आवा हम भरोसा क साथे अनुग्रह पावइ परमेस्सर क सिंहासन कइँती बड़ी ताकि जरूरत पड़इ प हमार सहायता क बरे हम दया अउर अनुग्रह क पाइ सकीं।

**5** हर एक महायाजक मनइयन स ही चुना जात ह। अउर परमात्मा सम्बन्धी बिसयन मैं लोगन क प्रतिनिधित्व करइ क बरे नियुक्ति कइ जात ह ताकि उ पापन क बरे भेंट य बलिदान चढ़ावइ। <sup>2</sup>काहेकि उ खुद भी कमजोरन क अधीन अहइ, इही बरे उ ना समझन अउर भटकन भएन क साथे कोमल व्यवहार कइ सकत ह। <sup>3</sup>इह बरे ओका अपने पापन क बरे अउर वइसेन लोगन क पापन क बरे बलिदान चढ़ावइ पड़त ह। <sup>4</sup>एह सम्मान क कउनो अपने प नाहीं लेत। जइसेन कि हारून क समान परमेस्सर कइँती स ठहरावा न जात। <sup>5</sup>इही तरह मसीह तउ महायाजक बनइ क महिमा क खुद ग्रहण नाहीं किहेस बल्कि परमेस्सर तउ ओसे कहेस,

“तू अहा मोर पूत बना हउँ आजु, मई तोहार पिता।”

भजन संहिता 2:7

<sup>6</sup>अउर एक उ स्थान प उहउ कहत ह,

“तू अहा एक सास्वत याजक, मलिकिसिदक क जइसा।”

भजन संहिता 110:4

<sup>7</sup>ईसू तउ एह धरती पे क जीवन काल मैं जउन ओका मउत स बचाइ सकत ह, ऊँचे सुर मैं पुकारत भए अउर रोबत भए ओसे सबइ पराथना अउर सब बिनती किहे रहा अउर आदरपूर्ण समर्पण क कारण ओकर सुनी गइ। <sup>8</sup>जद्यपि उ ओकर बेटवा रहा फिन भी जातना झेलत हुए उ आज्ञा क पालन करइ सीखेस। <sup>9</sup>अउर एक दाई सम्पूर्ण बनि जाइ प उ सब क बरे जउन ओकरी आज्ञा क पालन करत हीं उ अनन्त छुटकारा क स्रोत बनि गवा। <sup>10</sup>अउर परमेस्सर क जरिये मलिकिसिदक\* क परम्परा मैं ओका महायाजक बनावा गवा।

### पतन क बिरुद्ध चेतावनी

<sup>11</sup>एकरे बारे मैं हमारे लगे कहइ क बहुत कछू बा, प ओकर ब्याख्या कठिन बा काहेकि तोहार समझ बहुत धीमी बाटइ। <sup>12</sup>सही मैं एह समझ तलक तउ तोहे सबन क सिच्छा देइ वाला बनि जाइ चाही रहा। परन्तु तोहे पचन क तउ अबहिन कउनउ अइसेन मनई क जरूरत बा जउन तोहे सबन क नवा सिरे स परमेस्सर क उपदेस क आरम्भिक बात ही सिखावइ। तोहे सबन क तउ बस अबहिन दूध ही चाही ठोस आहार नाहीं। <sup>13</sup>जउन अबहीं दुध-मुँहा बच्चा ही अहईँ ओका धरम क बचन क पहिचान नाहीं होत

<sup>14</sup>मुला ठोस आहार तउ ओन बड़न क बरे होत ह जे अपने आत्मिक दृष्टि क प्रसिच्छन स भला-बुरा मैं पहिचान करब सीख लिहे अहईँ।

**6** अतः आवा, मसीह सम्बन्धी आरम्भिक सिच्छा क छोड़िके हम मजबूती कइँती बड़ी हमका ओन बातन कइँती अउर न बढ़इ चाही जइसेन हम सुरुआत कीन्ह जइसेन मउत कइँती लइ जाइवाला करमन क बरे मनफिराव, परमेस्सर मैं बिसवास, <sup>2</sup>बपतिस्मावन\* क सिच्छा, हाथ रखइ, मरइ क बाद फिन स जी उठइ अउर उ निआव जइसेन हमार भावी अनन्त जीवन निश्चित होई। <sup>3</sup>अउर अगर परमेस्सर चाहेस तउ हम अइसेन ही करबइ।

<sup>4-6</sup>जेनका एक बार प्रकास मिली चुका अहइ, जउन सर्गीय बरदान क अस्वादन कइ चुका होई, जउन पवित्तर आतिमा क सहभागी होइ गवा अहईँ जउन परमेस्सर क बचन क उत्तिमताई अउर आवइवाला जुग क सक्रियन क अनुभव कइ चुका अहईँ, अगर उ भटकि जाईँ तउ ओनका मनफिराव कइँती लउटाइ लेब असम्भव बा। उ पचे जइसेन अपने ढंग स नवा सिरे स परमेस्सर क पूत

मलिकिसिदक इब्राहीम क समइ क एक याजक अउर बड़का महाराजा रहा। उत्पत्ति 14:17-22

बपतिस्मावन बपतिस्मावन स हिआँ या तउ अरथ मसीही बपतिस्मा स बाइइ या यहूदी रीति क पानी मैं बुड़की लेइ क बपतिस्मा स।

क फिन स क्रूस पचड़ाएन अउर ओका सबक सामने अपमान क बिसय बनाएन।

<sup>7</sup>उ लोग अइसेन धरती क जइसेन अहई जउन हमेसा होइवाली बरखा क जल क सोख लेत ह, अउर जोतइ-बोवइवालन क बरे उपयोगी फसल प्रदान करत ह, उ परमेस्सर क असीस पावत ह। <sup>8</sup>मुला अगर उ जमीन प कांटा अउर गोखरू उपजावत ह, तउ उ बेकार कअहई। अउर ओका अभिसप्त अहइ क भय बा। अंत में ओका जलाइ दीन्ह जाई।

<sup>9</sup>फिआरे दोस्तन, चाहे हम एह तरह कहित ह मुला तोहरे बारे में हमका अइसेन अच्छी बातन क बिसवास बा-बातन जउन उद्धार स सम्बन्धित बाटिन। <sup>10</sup>तू ओनके सब जन क सहायता कइके अउर हमेसा सहायता करत भए जउन पिरेम दरसाए अहा ओका अउर तोहार दुसरे कामन क परमेस्सर कबहुँ न भुलाई। उ अन्यायी नाहीं अहइ। <sup>11</sup>हम चाहित ह कि तोहमों स हर कउनो जीवन भर अइसेन ही दिन भर मेहनत करत रहइ। अगर तू अइसेन करत ह तउ तू निश्चित ही ओका पाइ जाब्या तू आसा करत रहे अहा। <sup>12</sup>हम इ नाहीं चाहित कि तू आलसी होइ जा। बल्कि तू ओनकर अनुकरण करा जउन बिसवास अउर धीरज क साथे ओन्हन चीजन क पावत अहई जेनका परमेस्सर तउ बचन दिहे रहा।

<sup>13</sup>जब परमेस्सर इब्राहीम स प्रतिज्ञा किहे रहा, तब काहेकि खुद ओसे बड़का कउनो अउर नाहीं रहा, जेकर सपथ लीन्ह जाइ सकइ, इही बरे आपन सपथ लेत भवा। <sup>14</sup>उ कहइ लाग, “निश्चित ही मई तोहका आसीर्वाद देबइ अउर मई तोहका कइयउ बंसज भी देबइ।” \* <sup>15</sup>अउर एह तरह इब्राहीम धीरज क साथे बाटे जोहइके बाद उ इ पाएस जेकर उ प्रतिज्ञा कीन्ह गइ रही।

<sup>16</sup>लोग ओकर सपथ लेतहीं जउन कउनो ओसे महान होत ह अउर उ सपथ सबहिं तर्क-बितर्कन क अन्त कइके जउन कछू कहा जात ह, ओका पक्का कइ देत ह। <sup>17</sup>परमेस्सर एका ओन्हा पंचन क बरे, कुल तरह स्पष्ट कइ देइ चाहत रहा, जेका ओन्हे पावइ क रहा, जेका देइ क उ प्रतिज्ञा किहे रहा कि उ अपने प्रयोजन क कबहुँ न बदलइ। इही बरे अपने वचन क साथे उ आपन सपथ क जोड़ दिहेस। <sup>18</sup>तउ फिन हियाँ दुइ बात-हइन ओकर प्रतिज्ञा अउर ओकर सपथ-जउन कबहुँ नाहीं बदल सकतिन अउर जेकरे बारे में परमेस्सर कबहुँ झूठ नाहीं कहि सकत। इही बरे हम जउन परमेस्सर क लगे सुरच्छा पावइ क आइ अहइ अउर जउन आसा उ हमका दिहे अहइ, ओका थामे भए हई, अउर जियादा उत्साहित अहीं। <sup>19</sup>इ आसा क हम आत्मा क सुदइ अउर सुनिश्चित लंगर क रूप में धरे अहीं। इ प्रदा क पीछे भितर स भितर अन्तरतम तलक पहुँचत ह। <sup>20</sup>जहाँ

ईसू तउ हमारे कइँती स हमसे पहिले प्रवेस किहेस। उ मलिकिसिदक क परम्परा में सदा हमेसा क बरे महा याजक बनि गवा।

### याजक मलिकिसिदक

**7** इ मलिकिसिदक सालेम क राजा रहा अउर सर्वोच्च परमेस्सर क याजक रहा। जब इब्राहीम राजा लोगन क पराजित कइके लउटत रहा त उ इब्राहीम स मिला अउर ओका आसीर्वाद दिहेस। <sup>2</sup>अउर इब्राहीम तउ ओका उ सब कछू में स जउन उ युद्ध में जीते रहा ओकर दसवाँ भाग प्रदान किहेस (ओकरे नाउँ क पहिला अर्थ बा, “धार्मिकता क राजा” अउर फिन ओकर इ अर्थ अहइ, “सालेम क राजा” मतलब “सान्ति क राजा।”) <sup>3</sup>ओकरे पिता या ओकरी महतारी अउर ओकरे पूर्वजन क कउनो इतिहास नाहीं मिलत ह। ओकर जन्म अउर मउत क कहुँ कउनउ उल्लेख नाहीं बा। परमेस्सर क पूत क समान ही उ हमेसा-हमेसा क बरे याजक बना रहत ह।

<sup>4</sup>तनिक सोचा, उ केतेंना महान रहा। जेका कुल प्रमुख इब्राहीम तलक तउ अपने प्राप्ति क दसवाँ भाग दिहे रहा। <sup>5</sup>अब देखा व्यवस्था क अनुसार लेवी बंसज जउन याजक बनत हीं लोगन स मतलब अपनी ही भाइयन स दसवाँ भाग लेई। जद्यपि ओनकर उ सबइ भाई इब्राहीम क बंसज अहई। <sup>6</sup>फिन उ मलिकिसिदक जउन लेवी बंसी भी नाहीं रहा, इब्राहीम स दसवाँ भाग लिहेस। अउर उ इब्राहीम क आसीर्वाद दिहेस जेकरे लगे परमेस्सर क प्रतिज्ञा रही। <sup>7</sup>एहमों कउनउ संदेह नाहीं रहा कि जउन आसीर्वाद देत ह उ आसीर्वाद लेइवाला स बड़ा होत ह। <sup>8</sup>जहाँ तलक लेवियन क प्रस्न बा, ओहमों दसवाँ भाग ओन्हन मनइयन द्वारा एकट्ठा कीन्ह जात ह, जउन मरणसील हयेन मुला मलिकिसिदक क जहाँ तलुक प्रस्न बा दसवाँ भाग ओकरे दुवारा एकत्र कीहा जात ह, जउन पवित्र सास्तर क अनुसार अबहुँ जिन्दा अहई। <sup>9</sup>तउ फिन कउनो इहाँ तलक कहि सकत ह कि उ लेवी जउन दसवाँ भाग एकट्ठा करत ह, उ इब्राहीम क जरिये दसवाँ भाग प्रदान कइ दिहेस। <sup>10</sup>काहेकि जब मलिकिसिदक इब्राहीम स मिला रहा, तबउ लेवी अपने पूर्वजन क सरिर में वर्तमान रहा।

<sup>11</sup>अगर लेवी सम्बन्धी याजकता द्वारा पूर्णता पाइ जाइ सकत काहेकि इही क आधार प लोगन क व्यवस्था दीन्ह गवा रहा। त कउनो दुसर याजक क आवइ क जरूरत इ का रही? एक अइसेन याजक क जउन मलिकिसिदक क परम्परा क होइ, न कि हारून क परम्परा का। <sup>12</sup>काहेकि जब याजकता भी बदलत ह, तउ व्यवस्था में भी परिवर्तन होइ चाही। <sup>13</sup>जेकरे विषय में इ सबइ बात कही गइ बाटिन, उ कउनो दुसरे गोत्र क अहइ, अउर ओह गोत्र क कउनो मनई कबहुँ वेदी क

सेवक नहीं रहा। <sup>14</sup>काहेकि इ तउ स्पस्ट इ बा कि हमार पभू यहूदा क बंसज रहा अउर मूसा तउ ओह-गोत्र क बरे याजकन क बारे में कछू नहीं कहे रहा।

### ईसू मलिकिसिदक क जइसन एक याजक हयेन

<sup>15</sup>अउर जउन कछू हमहूँ कहे हई अउर उ स्पस्ट बा कि मलिकिसिदक क जइसेन एक दुसर याजक प्रकट होत ह। <sup>16</sup>उ आपन वंसावली क नियम क आधार प नहीं बल्कि एक अनन्त जीवन क सक्ती क आधार प याजक बना अहइ। <sup>17</sup>काहेकि घोसित कीन्ह गवा रहा, "तू अहा एक याजक सास्वत मलिकिसिदक क जइसा!"\*

<sup>18</sup>पहिला नियम एह बरे रद्द कइ दीन्ह गवा काहेकि उ कमजोर अउर बेकार रहा। <sup>19</sup>काहेकि व्यवस्था तउ कउनो क सम्पूर्ण सिद्ध नहीं कियेस अउर एक अच्छी आसा क सूत्रपात कीन्ह गवा जेकरे द्वारा हम परमेस्सर क लगे खिंचित ह।

<sup>20</sup>इ बात भी महत्वपूर्ण बा कि परमेस्सर तउ ईसू क सपथ क द्वारा महायाजक बनाए रहा। जबकि अउरन क बिना सपथ कउनो महायाजक बनावा गवा रहा। <sup>21</sup>मुला ईसू तब एक सपथ स याजक बना रहा, जब परमेस्सर तउ ओसे कहे रहा,

"पभू तउ लिहे अहइ सपथ अउर उ कबहूँ नहीं बदली निज मत 'तू अहा एक तु याजक सास्वत!'"

भजन संहिता 110:4

<sup>22</sup>इ सपथ क कारण ईसू एक अउर अच्छा करार क जमानत बन गवा बा।

<sup>23</sup>अब देखा। अइसेन बहुत स याजक हुआ करत हीं जेन्हे मउत तउ अपने गोड़े प नहीं बनइ रहइ दिहेस।

<sup>24</sup>मुला काहेकि ईसू अमर अहइ, इही बरे ओकर याजकपन भी हमेसा-हमेसा बना रहइवाला अहइ। <sup>25</sup>अतः जउन लोग ओकरे द्वारा परमेस्सर तक पहुँच हीं, उ ओनकर हमेसा क बरे उद्धार करइ में समर्थ अहइ, काहेकि उ ओनकर मध्यस्थता क बरे ही हमेसा जिअत ह। <sup>26</sup>अइसेन ही महायाजक हमार जरूरतन क पूरा कइ सकत ह, जउन पवित्तर होइ, दोस रहित होइ, सुद्ध होइ, पापियन क प्रभाऊ स दूर रहत होइ, सरग से भी जेका ऊँचा उठावा गवा होइ। <sup>27</sup>जेकरे बरे दुसर याजकन क समान इ जरूरी न अहइ कि उ दिन प्रतिदिन पहिले अपने पापन क बरे अउर फिन लोगन क पापन क बरे बलिदान चढ़ावइ। उ तउ हमेसा-हमेसा क बरे ओनके पापन ओनके पापन क बरे खुद अपने आप क बलिदान

कइ दिहेस। <sup>28</sup>काहेकि व्यवस्था दुर्बल लोगन क याजक क रूप में नियुक्त कियेस। मुला सपथ क बचन व्यवस्था क बाद आवा, उस बचन क द्वारा परमेस्सर बेटवा क महायाजक क रूप में नियुक्त कियेस जउन हमेसा हमेसा क बरे पूरा बनि गवा।

### नवा करार क महायाजक

**8** जउन कछू हम कहत अही कि, ओकर मुख्य बात इ बा: निश्चय ही हमरे लगे एक अइसा महायाजक बा जउन सरगे में ओह महा महिमावान क सिंहासन क दहिने हाथ बिराजमान अहइ। <sup>2</sup>उ ओह पवित्तर गर्भ गृह में यानि स्वर्गिक रावटी, में जेका परमेस्सर तउ स्थापित किये रहा, न कि मनई, सेवा क काम करत ह।

<sup>3</sup>हर एक महायाजक क एह बरे नियुक्त कीन्ह जात ह उ भेंटन अउर बलिदान-डुनऊ क ही अर्पित करइ। अउर इही बरे एह महायाजक क बरे भी जरूरी रहा कि ओकरे लगे भी चढ़ावा क बरे कछू होइ। <sup>4</sup>अगर उ धरती प होत तउ उ याजक नहीं होइ पावत काहेकि उहाँ पहिलेन स ही अइसेन मनई अहई जउन व्यवस्था क अनुसार भेंट-चढ़ावत हीं। <sup>5</sup>पवित्तर आराधना स्थान में ओनकर सेवा-आराधना सरगे क यथार्थ क एक छाया नकल अहइ। इही बरे जब मूसा पवित्तर रावटी क निर्माण करइवाला रहा, तबइ ओका चेतावनी दइ दीन्ह गइ रही: "ध्यान रहइ कि तू हर चीज ठीक उही प्रतिरूप क अनुसार बनावा जउन तोहका पर्वत प देखावा गवा रहा।" <sup>6</sup>मुला जउन सेवा काम ईसू क मिला बा, उ ओनके सेवा काम स स्प्रेस्ट बा। काहेकि उ जेह करार क मध्यस्थ अहइ उ पुरान करार स भी उत्तम अहइ अउर उत्तम चीजन क सबइ प्रतिज्ञा प अधारित बा।

<sup>7</sup>काहेकि अगर पहिला करार में कउनउ खोट नहीं होत तउ दुसरे करार क बरे कउनउ स्थान इ नहीं रही जात। <sup>8</sup>मुला परमेस्सर क ओहन लोगन में खोट मिला। उ कहेस:

"पभू घोसित करत ह, आवत अहइ उ समइ करबइ, जब मई इम्राएल क घराना स यहूदा क घराना स एक नवा करार

<sup>9</sup> इ करार होई न वइसेन जइसेन किये रहेउँ मई ओनके पूर्वजन क साथ ओह समइ जब मई ओनकर हाथ मिश्र स निकाल लइयावइ बरे पकड़े रहेउँ काहेकि पभू कहत ह, उ मोरे करार में बिसवास नहीं रखत मई ओनसे गुँह फेर लिहेउँ।

<sup>10</sup> इ बा उ करार जेका मई इम्राएल क घराना स करबइ। अउर फिन ओनके बाद पभू घोसित करत ह ओनके मन में निज व्यवस्था बसउबइ मई ओनके हिरदय प लिखि देवइ

मई ओनका परमेस्सर बनबइ अउर उ मोर जन होइहीं।

- 11 फिन तउ कबहुँ कउनो जन अपने पड़ोसी क, अइसेन न सिखावइ या कउनो जन न अपने भाइयन स कबहुँ कही तू पर्भू क पहचाना। काहेकि तब त ओ सभन छोट से लइ के बड़न से बड़न मोका जनिहीं तलक।
- 12 काहेकि मई ओनके दुस्ट करमन क छमा करबइ अउर कबहुँ ओनके पापन क याद न रखबइ।”

*यिर्मयाह 31:31-34*

<sup>13</sup>एह करार क नवा कहिके उ ओनसे पहिले क व्यवहार क अयोग्य ठहरायेस। अउर जउन पुरान पड़त अहइ अउर व्यवहार क अयोग्य अहइ, उ त फिन जल्दी ही लुप्त होइ जाई।

### पुराने करार क आराधना

9 अब देखा पहिले करार मँ ही आराधना क नियम रहेन। अउर एक मनई क हाथन क बना आराधना घर भी रहा। <sup>2</sup>एक रावटी बनाइ गइ रही जेकरे पहिले कच्छ मँ दीपाधार रहेन, मेज रहिन, अउर भेंट क रोटी रही। एका पवित्तर स्थान कहा जात रहा। <sup>3</sup>दुसरे परदा क पीछे एक अउर कमरा रहा जेका परम पवित्तर कहा जात बा। <sup>4</sup>एहमन सुगंधित सामग्री क बरे सोना क वेदी अउर सोना क मड़ी करार क पेटी रही। एह पेटी मँ सोना क बना फन्ना क एक पात्र रहा, हारून क उ छड़ी रही जेह पर कोपल फूटी रही अउर करार क पत्थर क पतरा रहेन। <sup>5</sup>पेटी क ऊपर परमेस्सर क महिमामय उपस्थिति क प्रतीक यानि करूब बना रहेन जउन छमा क स्थान पर छाया क करत रहेन। मुला एह समइ हम इन बातन क बिस्तार क साथे चर्चा नहीं कइ सकित।

<sup>6</sup>सब कछू क एह तरह व्यवस्थित होइ जाइ क बाद याजक बाहरी कच्छ मँ प्रति दिन प्रवेस कइके आपन सेवा क काम करइ लागेन। <sup>7</sup>मुला भीतर कच्छ मँ केवल महायाजक ही प्रवेस करत रहा अउर उहऊ साल मँ एक दाई। उ बिना ओह लहू क कबहुँ प्रवेस नहीं करत रहा जेका उ खुद अपने द्वारा अउर लोगन क द्वारा अनजाना मँ कीन्ह गए पापन क बरे भेंट चढ़ावत रहेन। <sup>8</sup>एकरे द्वारा पवित्तर आतिमा इ दरसावा करत रहा कि जब तलक अबहिँ पहिली रावटी खड़ी भई बा, तब तलक परम पवित्तर स्थान क रस्ता उजागर नहीं होइ पावत। <sup>9</sup>इ आनु क जुग क बरे एक प्रतीक अहइ जउन इ दरसावत ह कि भेंट अउर बलिदान जेका अर्पित कीन्ह जात बा, आराधना करइवालन क चेतना क सुद्ध नहीं कइ सकत। <sup>10</sup>इ सबइ तउ बस खाइपिअइ अउर कइयउ पर्व बिसेस-स्थानन क बाहेर क नियम अहइ

अउर नइ व्यवस्था क समइ तक क बरे ही इ लागू होत हीं।

### मसीह क लहू

<sup>11</sup>मुला अब मसीह इ अउर अच्छी व्यवस्था क, जउन अब हमरे लगे बा, महायाजक बनिके आइ गवा बा। उ ओह जियादा अच्छी अउर पूरी रावटी मँ स होइ क प्रवेस किहेस जउन मनइयन क हाथन क बनाइ भइ नाहीं रही। मतलब जउन सांसारिक नाहीं बा। <sup>12</sup>बकरन अउर बछड़न क लहू क लइके उ प्रवेस नाहीं किहे रहा बल्कि सदा हमेसा क बरे भेंट सरूप अपनेन ही लहू क लइके परम पवित्तर स्थान मँ ओकर प्रवेस भवा रहा। एह तरह उ हमरे बरे पापन स सदा काल क छुटकारा सुनिश्चित कइ दिहे बा।

<sup>13</sup>बकरन अउर साँड़न क खून अउर बछिया क भभूत क ओनपइ छिड़का जाव, असुद्धन क सुद्ध बनावत ह ताकि उ सबइ बाहरी तउर प स्वच्छ होइ जाई। <sup>14</sup>जब इ सच बा तउ मसीह क लहू केतना प्रभावसाली होइ। उ अनन्त आतिमा क द्वारा अपने आपक एक पूरी तरह बलि क रूप मँ परमेस्सर क समर्पित कइ दिहेस। तउन ओनकर लहू हमरे चेतना क ओन्हन करमन स छुटकारा देवाई जउन मउत क ओर लइ जात हीं ताकि हम सजीव परमेस्सर क सेवा कइ सकीं।

<sup>15</sup>इही कारण स मसीह एक नवा करार क बीचउलिया बना ताकि जेनका बोलावा गवा बा, उ उत्तराधिकार क अनन्त आसीबाद पाइ सकइ जेनकर परमेस्सर तउ प्रतिज्ञा किहे रहा। अब देखा, पहिले करार क अधीन कीन्ह गएन पापन स ओहे छुटकारा दियावइ क बरे फिरौती क रूप मँ उ आपन प्रान तलक दइ चुका अहइ। <sup>16</sup>जहाँ तलक बसीयतनामा क प्रस्न बा, तउ ओकरे बरे जे ओका लिखे अहइ, ओकरी मउत क प्रमाणित कीन्ह जाव जरूरी बाटइ। <sup>17</sup>काहेकि कउनउ बसीयतनामा केवल तबहिँ प्रभावी होत ह जब ओका लिखइवालन क मउत होइ जात ह। जब तलक ओका लिखइवाला जिन्दा रहत ह, उ कबहुँ प्रभावी नाहीं होत।

<sup>18</sup>इही बरे पहिला करार भी बिना एक मउत अउर लहू क गिराए स काम सुरू नाहीं कीन्ह गवा। <sup>19</sup>मूसा जब व्यवस्था क प्रत्येक आदेस क सब लोगन क घोसना कइ चुका तउ उ जल क साथे बकरन अउर बछड़न क लहू क लाल ऊन अउर हिसप क टहनियन स चर्म फत्रन अउर सभन लोगन पे छिड़क दिहे रहा। <sup>20</sup>उ कहे रहा, “इ उ करार क लहू अहइ, परमेस्सर जेकरे पालन क आज्ञा तोहे सबन क दिहे अहइ।” <sup>21</sup>उ इही तरह रावटी आराधना उत्सव मँ काम आवइवाली सब चीज प लहू छिड़के रहा। <sup>22</sup>सही या व्यवस्था चाहत ह कि अक्सर हर चीज क लहू स सुद्ध कीन्ह जाइ। अउर बिना लहू बहाए छमा हई या नाहीं ही बाटइ।

### मसीह क बलिदान पापन क थोड़ डालत ह

<sup>23</sup>त फिन इ जरूरी बा कि चीजन जउन सरगे क प्रतिकृति बाटिन, ओन्हे पसुवन क बलिदानन स सुद्ध कीन्ह जाइ मुला सरग क चीजन त एनहूँन स अच्छी बलिदानन स सुद्ध कीन्ह जाइ क अपेच्छा करत ह। <sup>24</sup>मसीह तउ मनइयन क हाथन क बना परम पवित्रर स्थान में, जउन सच्चा परम पवित्रर स्थान क एक प्रतिकृति मात्र रहा, प्रवेस नहीं किहेसा। उ तउ खुदइ सरग में ही प्रवेस किहेस ताकि अब उ हमरे ओर स परमेस्सर क उपस्थिति में प्रकट होइ। <sup>25</sup>अउर नहीं तउ आपन फिन-फिन बलिदान चढ़ावइ क बरे उ सरगे में ओह तरह प्रवेस किहेस जइसेन महायाजक उ लहू क साथे, जउन ओकर आपन नहीं बा, परम पवित्रर स्थान में हर साल प्रवेस करत ह। <sup>26</sup>नहीं त फिन मसीह क सुस्टि क आदि स ही कइयउ दाई जातना झेलइ क पड़त। मुला अब देखा, इतिहास क चरम बिन्दु पर आपन बलिदान क द्वारा पापन क नास करइ क बरे उ हमेसा हमेसा क बरे एककइ बार प्रकट होइ गवा अहइ। <sup>27</sup>जइसे एक बार मरब अउर ओकरे बाद निआव क सामना करब मनई क नियति बा <sup>28</sup>तउन वइसेन मसीह क, एककइ बार कइयउ मनइयन क पापन क हरि लेइ क बरे बलिदान कइ दीन्ह गवा। अउर उ पापन क बहन करइ क बरे नहीं बल्कि जउन ओकर बाट जोहत अहई, ओनके बरे उद्धार लियावइ क फिन दुसरी दाई प्रकट होइ।

### अन्तिम बलिदान

**10** व्यवस्था त आवइवाली अच्छी बातन क छाया मात्र प्रदान करत ह। अपने आप में उ बात यथार्थ नहीं हइना। इही बरे उही बलियन क द्वारा जेन्हे हमेसा हर बरिस अनन्त रूप स दीन्ह जात रहत ह, आराधना क बरे लगे आवइवालन क हमेसा-हमेसा क बरे पूरा सिद्ध नहीं कीन्ह जाइ सकत। <sup>2</sup>अगर अइसेन होइ पावत तउ का ओनकर चढ़ावा जाब बन्द न होइ जात? काहेकि फिन तउ आराधना करइवालन एक ही इ बार में सदा-हमेसा क बरे पवित्रर होइ जातेन। अउर आपने पापन क बरे फिन कबहुँ खुद क अपराधी न समझतेन।

<sup>3</sup>मुला उ बलिदान तउ बस पापन क एक बरस भरे क स्मृति मात्र अहई। <sup>4</sup>काहेकि साँइन अउर बकरन क लहू पापन क दूर कइ देइ, इ सम्भव नहीं बा। <sup>5</sup>इही बरे जब मसीह एह जगत में आइ रहा तउ उ कहे रहा:

“तू बलिदान अउर कउनउ भेंट नहीं चाहया, मुला मोरे बरे एक देह तइयार किहा।

<sup>6</sup> तू नहीं कउनउ दग्ध भेंटन स न तउ पाप भेंटन स खुस भया।

<sup>7</sup> तब फिन मई कहे रहेउं, ‘किताबे में मोर बरे इ लिखा भी बा मई इहाँ अइइ। हे परमेस्सर तोहार इच्छा पूरा करइ क आइ हउँ।’”

भजन संहिता 40:6-8

<sup>8</sup>उ पहिलेन कहे रहा, “बलिदान अउर भेंटन, दग्ध भेंटन अउर पाप भेंटनन तउ तू चाहत अहा अउर न तउ तू ओसे खुस होत ह।” (जद्यपि व्यवस्था इ चाहत ह कि उ सबइ चढ़ाइ जाईं) <sup>9</sup>तब उ कहे रहा, “मई इहाँ अहउँ। मई तोहार इच्छा पूरा करइ आई हउँ।” त उ दुसरे व्यवस्था क स्थापित करइ क बरे, पहिली क रद्द कइ देत ह। <sup>10</sup>तउन परमेस्सर क इच्छा स एक बार ही हमेसा-हमेसा क बरे ईसू मसीह क देह क बलिदान द्वारा हम पवित्रर कइ दीन्ह गएन।

<sup>11</sup>हर याजक एक दिना क बाद दुसरे दिन खड़ा होइके अपने धार्मिक कारज क पूरा करत ह। उ पचे फिन-फिन एक जइसेन ही उ बलि चढ़ावत हीं जउन पापन क कबहुँ दूर नहीं कइ सकतेन। <sup>12</sup>मुला याजक क रूप में मसीह तउ पापन क बरे, हमेसा क बरे एककइ बलि चढ़ाइके परमेस्सर क दहिने हाथ जाइ बइठा। <sup>13</sup>अउर उही समइ स ओका अपने विरोधियन क ओकरे चरण क चौकी बनाइ दीन्ह जाइ क प्रतीच्छा बा। <sup>14</sup>जउन पवित्रर कीन्ह जात अहइ, ओनका हमेसा-हमेसा क बरे पूरा सिद्ध कइ दिहेस।

<sup>15</sup>एकरे बरे पवित्रर आतिमा हमका साच्छी देत ह। पहिले उ बतावत ह:

<sup>16</sup>‘इ अहइ उ करार जेका मई ओनसे करबइ। अउर फिन ओकरे बाद पर्भू घोसित करत निज व्यवस्था मई ओनकइ हिरदइ में बसबउबइ ओनके मने पर लिखी देबइ।’”

यिर्मयाह 31:33

<sup>17</sup>उ इहउ कहत ह:

“ओनके पापन अउर ओनके दुस्करमन क अब मई कबहुँ याद न रखब।”

यिर्मयाह 31:34

<sup>18</sup>अउर फिन जब पाप छमा कइ दीन्ह गएन त पापन क बरे कउनो बलिदान क कउनउ जरूरत रही ही नहीं।

### परमेस्सर क लगे आवअ

<sup>19</sup>इही बरे भाइयो तथा बहिनियो, काहेकि ईसू क लहू क द्वारा हमका ओह परम पवित्रर स्थान में प्रवेस करइ क निडर भरोसा बा। <sup>20</sup>जेका उ परदा क द्वारा, मतलब जउन ओकर सरीरइ अहइ, एक नवा अउर



सजीव रस्ता क माध्यम स हमरे बरे खोलि दिहे अहइ।  
<sup>21</sup>अउर काहेकि हमरे लगे एक अइसेन महान याजक अहइ जउन परमेस्सर क घराना क अधिकारी अहइ।  
<sup>22</sup>तउ फिन आवा, हम सच्चे हिरदइ, निश्चितपूर्ण बिसवास आपन अपराधपूर्ण चेतना स हमका सुद्ध करइ क बरे कीन्ह गए छिड़क भी स युक्त अपने हिरदइ क लइके सुद्ध जल स धोवा भए अपने सररीरन क साथे परमेस्सर क लगे पहुँचत अही।<sup>23</sup>तउ आवअ जेह आसा क हम अंगीकार किहे हई, हम अडिग भाउ स ओह पर डटा रही काहेकि जे हमका बचन दिहे अहइ, उ बिसवासपूर्ण बा।

### एक दुसरे क बलवान करइ

<sup>24</sup>अउर आवा हम धियान रखी कि हम पिरेम अउर अच्छा करमन क बरे एक दुसरे क कइसेन बढ़ावा दइ सकित ह।<sup>25</sup>हमरे सबइ सभा में आउब जिन छोड़ा। जइसेन कि कछून क तउ उहाँ न आवइ क आदत ही पड़ि गइ बा। बल्कि हमका तउ एक दुसरे क बलवान करइ चाही। अउर जइसेन कि तू देखत अहा कि उ दिन लगे आवत बा-तउन तोहे तउ इ अउर जियादा करइ चाही।

### मसीह स मुँह न फेरा

<sup>26</sup>सत्य क गियान पाइ लेइके बाद उ अगर हम जानबूझ क पाप करित ही रहित ह फिन तउ पापन क बरे कउनउ बलवान बचा नाहीं रहत।<sup>27</sup>बल्कि फिन त निआव क भयानक प्रतीच्छा अउर भौषण आगी बाकी रहि जात ह जउन परमेस्सर क बिरोधियन क चट कइ जाई।<sup>28</sup>जउन कउनउ मूसा क व्यवस्था क पालन करइ स मना करत ह, ओका बिना दया देखाए दुइ या तीन साच्छियन क साच्छी प मारि डावा जात ह।<sup>29</sup>सोचा, उ मनइयन केतना जियादा कड़ा दंड क पात्र अहई, जे अपने गोड़न तले परमेस्सर क पूत क कुचलेन, जे करार क उ लहू के, जे ओनका पवित्तर किहे रहा, एक अपवित्तर चीज मानेन अउर अनुग्रह क आतिमा क अपमान किहेन।<sup>30</sup>काहेकि हम ओनका जानित ह जे कहे रहेन, “बदला लेब काम बा मोर, मई ही बदला लेबा।” \* अउर फिन, “पभू अपने लोगन क निआव करी।” \*<sup>31</sup>कउनो पापी क सजीव परमेस्सर क हाथन में पड़ि जाब एक भयानक बात अहइ।

### बिसवास बनाये रखा

<sup>32</sup>आरम्भ क उ दिनन क याद करा जब तू प्रकास पाए रहया, अउर ओकरे बाद जब तू कस्टन क सामना

“बदला ... लेब” व्यवस्था 32:35

“पभू ... करी” भजन 135:14

करत भए कठोर संघर्ष में मजबूती क साथे डटा रहया।  
<sup>33</sup>तब कबहुँ तउ सब लोगन क सामने तोहे अपमानित कीन्ह गवा अउर सताया गवा अउर कबहुँ जेनके साथे अइसेन बर्ताव कीन्ह जात रहा, तू ओनकर साथ दिहया।  
<sup>34</sup>तू जउन बन्दीघरे में पड़ा रहया, ओनसे सहानुभूति क अउर अपने सम्पत्ति क जब्त कीन्ह जाब सहर्स स्वीकार किहया काहेकि तू इ जानत रहया कि खुद तोहरे अपने लगे ओनसे अच्छी अउर टिकाऊ सम्पत्तियन बाटिन।  
<sup>35</sup>तउन अपने साहस बिसवास क जिन तियागा काहेकि एकइ भरपूर प्रतिफल दीन्ह जाई।

<sup>36</sup>तोहे धीरज क जरूरत बा ताकि तू जब परमेस्सर क इच्छा पूरी कइ चुका तउ जेकर बचन उ दिहे अहइ, ओका तू पाइ सका।<sup>37</sup>काहेकि बहुत जल्दी ही,

“जेका आवइ क बा, उ जल्दी ही आई, अउर देर नाहीं करी।

<sup>38</sup> मोर धर्मी जन जउन बिसवास स अउर अगर उ पीछे हटी तउ मई ओनसे खुस न रहबइ।”

हबक्कूक 2:3-4

<sup>39</sup>मुला हम ओनसे नाहीं हई जउन पीछे हटत हीं अउर खतम होइ जात हीं बल्कि ओनमें स अही जउन बिसवास करत हीं अउर उद्धार पावत हीं।

### बिसवास क महिमा

**11** बिसवास क मतलब बा, जेकर हम आसा करित ह, ओकरे बरे सुनिश्चित होब। अउर बिसवास क मतलब बा कि हम चाहे कउनो चीज क देखत न अही मुला ओकरे अस्तित्व क बारे में सुनिश्चित होब कि उ बा।<sup>2</sup>इही कारण पुरानन क परमेस्सर क आदर मिला भआ रहा।

<sup>3</sup>बिसवास क आधार पर ही हम इ जानित ह कि परमेस्सर क आदेस स जगत क रचना भइ रही। इही बरे जउन दृश्य बा, उ दृश्य स नाहीं बना बा।

<sup>4</sup>हाबिल तउ बिसवास क कारण ही परमेस्सर क कैन स अच्छी बलि चढ़ाए रहा। बिसवास क कारण ही ओका एक धर्मी मनई क रूप में तब सम्मान मिला रहा जब परमेस्सर त ओकरी भेंटन क प्रसंसा किहे रहा। अउर बिसवास क कारण उ आजक बोल थीं जद्यपि उ मरी चुका अहइ।

<sup>5</sup>बिसवास क कारण ही हनोक क एह जीवन स उप्पर उठाइ लिहा गवा रहा ताकि ओका मउत क अनुभव न होइ। परमेस्सर तउ काहेकि ओका दूर हटाइ दिहे रहा इही बरे उ पावा नाहीं गवा। काहेकि ओका उठावा जाइ स पहिले परमेस्सर क प्रसन्न करइवाले क रूप में ओका सम्मान मिल चुका रहा।<sup>6</sup> बिसवास के बिना परमेस्सर क खुस करब असम्भव रहा। काहेकि

हर एक उ जउन ओकरे लगे आवत ह, ओकरे बरे इ जरूरी बा कि उ एह बात क बिसवास करइ कि परमेस्सर क अस्तित्व बा अउर उ जउन ओका सच्चाई क साथ खोजत ह, उ ओन्हे ओकर प्रतिफल देत ह।

<sup>7</sup>बिसवास क कारण ही नूह क जब ओन्हन बातन क चेतावनी दीन्ह गइ जउन उ देखे तक नाहीं रहा तउ उ पवित्तर भय स भरा आपन परिवार क बचावइ क बरे एक गज क निर्माण किहे रहा। अपने बिसवासे स ही उ एह संसार क दोसपूर्ण मानेस अउर ओह धार्मिकता क उतराधिकारी बना जउन बिसवास स आवत ह।

<sup>8</sup>बिसवास क कारण ही, जब इब्राहीम क अइसेन स्थान प जाइके बरे बोलावा गवा रहा, जेका बाद में उतराधिकार क रूप में ओका पावइ क रहा, जदि उ इ जानत तक नाहीं रहा कि उ कहाँ जात बा, फिन भी उ आज्ञा मानेस अउर उ चला गवा। <sup>9</sup>बिसवास क कारण ही जउने धरती क देइ क ओका बचन दीन्ह गवा रहा, ओह प उ एक अनजान परदेसी क समान आपन घरे बनाइके निवास किहेस। उ तम्बुवन में वइसेन रहा जइसेन इसहाक अउर याकूब रहत रहेन जउन ओकरे साथे परमेस्सर क ओह प्रतिज्ञा क उतराधिकारी रहेन। <sup>10</sup>उ मजबूत आधारवाली उ नगरी क बाट जोहत रहा जेकर सिल्पी अउर निर्माण कर्ता परमेस्सर अहइ।

<sup>11</sup>बिसवास क कारण ही, इब्राहीम जउन बूढ़ा होइ चुका रहा अउर सारा जउन खुद बाँझ रही, जे बचन दिहे रहा, ओका बिसवासनीय समझिके गर्भवती भइ अउर इब्राहीम क बाप बनाइ दिहेस। <sup>12</sup>अउर एह तरह इ एककइ मनई स जउन मरियल स रहा, अकास क तारन जेतनी असंख्य अउर सागर-तट क रेत-कणन जेतनी अनगिनत संतान भइन।

<sup>13</sup>बिसवास क अपने मन में लिए भए इ लोग मरि गएन। जिन चीजन क प्रतिज्ञा दीन्ह गइ रही, उ ओ चीजन क नाहीं पाएन।

उ पचे बस ओनका दूर स ही देखेन अउर ओनकर स्वागत किहेन अउर उ इ मानि लिहेन कि ओ पचे इ धरती प परदेसी अउर अनजान अहइँ। <sup>14</sup>उ लोग जउन अइसेन बात कहत हीं, उ इ देखावत हीं कि उ पचे एक अइसेन देस क खोज में अहइँ जउन ओनकर आपन अहइ। <sup>15</sup>अगर उ पचे ओह देस क बारे में सोचतेन जेका उ छोड़ि चुका अहइँ तउ ओनके फिन स लउटइ क अवसर रहत। <sup>16</sup>मुला ओन्हे तउ सरगे क एक अच्छा प्रदेस क उत्कट अभिलासा बा। इही बरे परमेस्सर क ओनकर परमेस्सर कहवावइ में संकोच नाहीं होत काहेकि उ तउ ओनके बरे एक नगर तइयार कइ रखे अहइ।

<sup>17-18</sup> बिसवास क कारण ही इब्राहीम तउ, जब परमेस्सर ओकर परीच्छा लेत रहा, इसहाक क बलिदान चढ़ाएस। उहइ जेका प्रतिज्ञा मिली भइ रही, अपने एक मात्र बेटवा क जब बलिदान देई वाला रहा। तउ जद्यपि

परमेस्सर त ओसे कहे रहा, "इसहाक क द्वारा ही तोहार वंस बाड़ी।" <sup>19</sup>मुला इब्राहीम तउ सोचेस कि परमेस्सर मरे भएन क भी जियाइ सकत ह अउर अगर अलंकारिक भाखा में कहा जाइ तउ उ इसहाक क मउत स फिन वापस पाइ लिहेस।

<sup>20</sup>बिसवास क कारण ही इसहाक तउ याकूब अउर एसाव क ओनके भविस्स क बारे में आसीबाद दिहेस।

<sup>21</sup>बिसवास क कारण ही याकूब तउ जब उ मरत रहा।

<sup>22</sup>यूसुफ जब ओकर अंत निकट रहा हर बेटवा क आसीबाद दिहेस अउर लाठी क उपर सिरि झुकि के सहारा लेत परमेस्सर क आराधना किहेस। <sup>23</sup>बिसवास क अधार पर ही, मूसा क महतारी-बाप तउ, मूसा क जनम क बाद ओनका तीन महिना तक छुपाये रखेन काहेकि ओ देखि लिहे रहेन कि उ कउनो सामान्य बालक नाहीं रहा अउर उ राजा क आज्ञा स नाहीं डरेन।

<sup>24</sup>बिसवास स ही, मूसा जब बड़ा भवा तउ फिरौन क बिटिया क बेटवा कहवावइ स इन्कार कइ दिहेस। <sup>25</sup>उ पाप क छणिक सुख भोगन क अपेच्छा परमेस्सर क लोगन क साथे दुर्व्यवहार झेलबइ ही चुनेस। <sup>26</sup>उ मसीह क बरे अपमान झेलइ क मिश्र क धन भंडारन क अपेच्छा जियादा मूल्यवान मानेस काहेकि उ आपन प्रतिफल पावइ क बाट जोहत रहा। <sup>27</sup>बिसवास क कारण ही, राजा क क्रोध स न डरत भए उ मिश्र क परित्याग कइ दिहेस। उ डटा रहा, मान ओका अदृश्य परमेस्सर देखात अहइ। <sup>28</sup>बिसवास स ही, उ फसह क तयौहार अउर लहू छिड़कइ क पालन किहेस, ताकि पहिलौठा क बिनास करइवाला इम्राएल क पहिलौठा क छू तक न पावइ। <sup>29</sup>बिसवास क कारण ही, लोग लाल-सागर स अइसेन पार होइ गएन जइसेन उ कउनो सूखी जमीन होइ। मुला जब मिश्र क लोगन अइसेन करइ चाहेन तउ उ पचे डूबि गएन।

<sup>30</sup>बिसवास क कारण ही, यरीहो क नगर-परकोट लोगन क सात दिन तलक ओकरे चारिहुँ कइँती परिक्रमा कइ लेइके बाद बह गवा। <sup>31</sup>बिसवास क कारण ही, राहाब नाउँ क बेस्या आज्ञा क उल्लंघन करइवालन क साथे नाहीं मारी गइ रही काहेकि उ गुप्तचरन क स्वागत सत्कार किहे रही।

<sup>32</sup>अब मइँ अउर जियादा का कही। गिवोन, बाराक, सिमसोन, यिफतह, दाऊद, समूएल अउर ओन्हन नबियन क चर्चा करइ क मोरे लगे समइ नाहीं बाटइ। <sup>33</sup>जे बिसवास स, राज्यन क जीत लिहेस, निआवपूर्ण काम किहेस अउर परमेस्सर जउन देइ क बचन दिहे रहा, ओका पाएस। जे सिंहन क मुँह बन्द कइ दिहेस, <sup>34</sup>लपलपात लपटन क क्रोध क सान्त किहेस अउर तलवार क धार स बच निकलेन, जेकरे कमजोरी इ सक्ति में बदल गइ, अउर युद्ध में जउन सवितसाली बनेन अउर जे बिदेसी सेनन क छिन्न-भिन्न कइ डाएन। <sup>35</sup>स्त्रियन तउ अपने

मरन हुवन क फिन स जिन्दा पाएन। बहुतन क सतावा गवा, मुला उ छुटकारा पावइ स मना कइ दिहेन ताकि ओनका एक अउर अच्छा जीवन मँ पुनरुत्थान मिलि सकइ।<sup>36</sup>कछू क उपहासन अउर कोड़न क सामना करइ पड़ा जबकि कछू क जंजीरन स जकड़िके बन्दी घरे मँ डालि दीन्ह गवा।<sup>37</sup>कछू पड़ पथराऊ कीन्ह गवा। ओनका आरा स चीरके दुइ फाँक कइ दीन्ह गवा, ओनका तलवार स मउत क घाट उतारि दीन्ह गवा। उ पचे गरीब रहेन, ओनका जातना दीन्ह गइ अउर ओनके साथे बुरा व्यवहार कीन्ह गवा! उ पचे भेड़ बकरियन क खाल ओढ़े रहेन अउर एहर ओहर भटकत रहेन।<sup>38</sup>इ संसार ओनके योग्य नाहीं रहा। उ पचे रेगिस्तानन अउर पहाड़न मँ घूमत रहेन अउर सबइ गुफा अउर धरती मँ बने भए बिलन मँ छुपत-छुपावत फिरेन।

<sup>39</sup>अपने बिसवासे क कारण ही इ लोग सब स सराहा गएन। फिन भी परमेस्सर क जेकर महान बचन ओनका दीन्ह गवा रहा, ओका एनमाँ स कउनो नाहीं पाइ सका।<sup>40</sup>परमेस्सर क लगे आपन योजना क अनुसार हमरे बरे कछू अउर जियादा अच्छा रहा जइसेन ओनहूँ बस हमरे साथे ही पूरा सिद्ध कीन्ह जाइ।

### परमेस्सर अपने बेटवन क सिधावत ह

**12** काहेकि हम साच्छियन क अइसेन एतनी बड़ी भोड़ स धिरी भइ अहइ, जउन हमका बिसवास क मतलब का अहइ एकर साच्छी देत ह इही बरे आवा बाधा पहुँचावइवाली हर एक चीज क अउर ओह पाप क जउन सहज इ मँ हमका उलझाइ लेत ह इटकिके फेंका अउर उ दउड़ जउन हमका दउड़इ क बा, आवअ धीरज क साथे ओका दउड़ी।<sup>2</sup>हमार बिसवास क अगुआ अउर ओका पूरा सिद्ध करइवाला। ईसू पे आवा हमका विस्ती हटवाइ न चाही। जे अपने सामने उपस्थित आनन्द क बरे क्रूस क जातना झेलेन, ओकरी लज्जा क कउनउ चिंता नाहीं किहेस अउर परमेस्सर क सिंहासन क दहिने हाथ विराजमान होइ गवा।<sup>3</sup>ओकर धियान करा जे पापियन क अइसेन विरोध एह बरे सहन किहेस ताकि थकिके तोहार मन हार न मानि बइठइ।

### परमेस्सर पिता जइसा

<sup>4</sup>पाप क बिरुद्ध आपन संघर्ष मँ तोहे सबन क एतना नाहीं अइइ पड़ा रहा कि आपन लहू बहावइ पड़ा होइ।<sup>5</sup>तू उ साहसपूर्ण बचन क भूलि गवा अहा। जउन तोहरे बेटवा नाते सम्बोधित अहइ:

“मोर बेटवा, पभू क अनुसासन क महत्व को समझइ मँ असफल न हवा। तिरस्कार जिन करा, ओकरे फटकार क बुरा कबहुँ जिन माना

<sup>6</sup> काहेकि पभू ओनका अनुसासन करत ह। उ जेनसे पिरम करत ह। अउर जइसेन बेटवा बनाइ लेत अहइ, ओनका दंड भी देत ह।”

नीतिवचन 3:11-12

<sup>7</sup>कठिनाइ क अनुसासन क रूप मँ सहन करा। परमेस्सर तोहरे साथे अपने बेटवा क समान व्यवहार करत ह। अइसा बेटवा के होइ जउन अपने बाप क द्वारा अनुसासित न भवा होइ? <sup>8</sup>अगर तोहे अइसेन नाहीं दण्डित कीन्ह गवा होइ जइसेन सबन क दण्ड दीन्ह जात ह तउ तू अपने बाप स पैदा भवा बेटवा नाहीं अहा। तउ सच्चा सतान नाहीं अहा।<sup>9</sup>अउर फिन इहउ कि एन सबन क उ बापउ जे हमरे सरीर क जन्म दिहे अहइ, हमका सिधावत अहइ। अउर एकरे बरे हम ओन्हे मान देइत ह तउ फिन हमका आपन आतिमन क बाप क अनुसासन क तउ केतना जियादा अधीन रहत भए जितत चाही।<sup>10</sup>हमार बाप तउ तनिक समइ मँ जइसा उ नीक समझेस, हमका दंडित किहेस। हमका दण्ड, मुला परमेस्सर हमका हमार भलाइ क बरे दण्डित करत ह, जइसेन हम ओकर पवित्रता क सहभागी होइ सकी।<sup>11</sup>लोगन क जउने समइ सिधावा जात ह, ओह समइ सिधावत अच्छा नाहीं लागत, बल्कि उ दुखद लागत ह मुला कछू भी होइ, उ जउन एकरे द्वारा सिधावा जाइ चुका बाटेन, ओनके बरे इ आगे चलिके नेकी अउर सान्ति क सुफल प्रदान करत ह।

### चेतावनी: कइसे रहा

<sup>12</sup>इही बरे आपन कमजोर भुजा अउर कमजोर घुटनन क सबल बनावा।<sup>13</sup>अपने गोड़न क बरे रस्ता बनावा तू समतल। तकि जउन लँगड़ा हयेन, उ अपंग नाहीं, वरन चंगा हो जाई।

<sup>14</sup>सभन क साथे सान्ति क साथे रहइ क कोसिस करा अउर पवित्तर होइ क बरे हर तरह स प्रयत्नसील रहा, बिना पवित्तरता क कउनउ पभू क दर्सन न कइ पाई।<sup>15</sup>इ बात क धियान रखा कि परमेस्सर क अनुग्रह स कउनो बिमुख न होइ जाइ अउर तोहे कस्ट पहुँचावइ अउर बहुत जने क बिकृत करइ क बरे कड़वी जड़ न फूटि पड़इ।<sup>16</sup>देखा कि कउनउ व्यभिचार न करइ अउर उ एसाव क समान परमेस्सर बिहीन न होइ जाई जइसेन सबसे बड़ा बेटवा होइ क नाते उत्तराधिकार पावइ क अधिकारी रहा मुला जे ओन्हे बस एक जून क खाइ भर क बरे बेचि दिहेस।<sup>17</sup>जइसेन कि तू जनतइ अहा बाद मँ जब उ इ आसीबंदि क पावइ चाहेस तउ ओका अयोग्य ठहरावा गवा। जइपि उ रोइ-रोइके बरदान पावइ चाहेस मुला उ अपने किहे क अनकिहे नाहीं कइ पाएस।<sup>18</sup>तू आगी स जलत हुआ एह पर्वत क लगे नाहीं आया जेका छुवा जाइ सकत रहा अउर न तउ अंधकार,

बिसाद अउर बवंडर क लगे आया होइ।<sup>19</sup>अउर न तउ तुरही क तेज आवाज अउर कउनउ अइसेन सुर क करीब मैं आया, अउर न बोलत बचन का सुन्या, उ आवाज जेकरे सुने क बाद केउ क सुनइ क जरूरत नाहीं रहत।<sup>20</sup>काहेकि जउन आदेस दीन्ह गवा रहा, उ पचे ओका झेली नाहीं पाएन: “अगर कउनउ पसु तलक उ पर्वत क छुवइ तउ ओहे पे पथराऊ कीन्ह जाई।” \*<sup>21</sup>उ दूख्य एतना भयभीत कइ डावइवाला रहा कि मूसा तउ कहैस, “मई भय स थर-थर काँपत हउँ।” \*

<sup>22</sup>बल्कि तू सियोन पर्वत, सजीव परमेस्सर क नगरी, सरगे क यरूस्लेम क लगे आइ पहुँचा अहा। तू तउ हजारन-हजार सरगदूतन क आनदपूर्ण सभा,<sup>23</sup>परमेस्सर क पहिलौटी क संतानन, जेनके नाउँ सरग मैं लिखा बाटेन, ओनके सभा क लगे पहुँच चुका अहा। तू सबके निआव कर्ता परमेस्सर अउर ओन्हन धर्मात्मा, पूर्ण मनइयन क सबइ आतिमन,<sup>24</sup>अउर एक नवा करार क बीचवा मैं ईसू अउर छिड़का भवा उ लहू स लगे आइ चुका अहा जउन हाबील क लहू क अपेच्छा अच्छा बचन बोलत ह।

<sup>25</sup>धियान रहइ, कि यदि जब परमेस्सर बोलत ह ओका सुनइ स जिन करा। जदि उ पचे ओका नकारिके नाहीं बच पाएस जउन ओनकर धरती पे चेतावनी दिहे रहा अगर हम ओनसे मुँह मोड़बइ जउन हमका सरग स चेताउनी देत बा, तउ हम त दण्ड स बिलकूलही न बची पउबइ।<sup>26</sup>ओकर बानी ओह समइ धरती क झकझोर दिहे रही मुला अब उ प्रतिज्ञा किहे अहइ, “एक बार फिन न केवल धरती क ही बल्कि आकासे क भी मई झकझोर देबइ।” \*<sup>27</sup>“एक बार फिन” इ सब्द उ हर चीज क ओर इंगित करत भवा जउन हिल गवा बा, जब स उ रचा गवा बा। उ सबइ क नास कइ दीन्ह जाई। केवल उहइ चीजन बचिहीं जउन हिलाई न जाइ सकइँ।

<sup>28</sup>अतः काहेकि जब हमका एक अइसेन राज्य मिलत बा, जेका झकझोरा नाहीं जाइ सकत, तउ आवा हम धन्यवादी बनी अउर आदर मिले भए क साथे परमेस्सर क आराधना करी।<sup>29</sup>काहेकि हमारा परमेस्सर भस्म कइ डावइवाली एक आग अहइ।

### निस्कर्ष

**13** भाई क समान परस्पर पियेम करत रहा।<sup>2</sup>अतिथियन क सत्कार करब न भूला, काहे की अइसेन करत भए कछू लोगन तउ अनजाना मैं ही सरगदूतन क स्वागत सत्कार किहे अहइँ।<sup>3</sup>बंदियन क इ रूप मैं याद करा जइसेन तूहँकँ ओनके साथी बन्दी

“अगर ... जाई” निर्ग 19:12-13

“मई भय ... हउँ” व्यवस्था 9:19

“एक बार ... देबइ” हगै 2:6

रहा हवा। जेनके साथे बुरा व्यवहार भवा बा ओनकर एह तरह सुधि ल्या जइसेन माना तू खुद पीड़ित होत अहा।

<sup>4</sup>बियाह क सबके आदर करइ चाहीं। बियाह क सेज क पवित्तर रखा। काहेकि परमेस्सर व्यभिचारियन अउर दुराचारियन क दण्ड देई।<sup>5</sup>अपने जीवन क धने क पियेम स मुक्त रखा। जउन कछू तोहरे लगे बा, उही मैं सन्तोस करा काहेकि परमेस्सर तउ कहे बाटइ,

“मई तोहका कबहुँ न छोड़ब, अउर तोहका कभी न तजबइ।”

व्यवस्था विवरण 31:6

“इही बरे हम बिसवास क साथे कहत हई,

“पर्भू मोर सहायक, मई कबहुँ भयभीत न बनबइ। कउनउ मनइ मोर का करइ?”

भजन संहिता 118:6

<sup>7</sup>अपने नेतन क याद रखा जे तोहे परमेस्सर क बचन सुनाये अहइ। ओनकर जीवन विधि क परिणाम पे बिचार करा अउर ओनके बिसवास क अनुसरण करा।<sup>8</sup>ईसू मसीह काल्हिउ वइसेनइ ही रहा, आजउ वइसेनइ अहइ अउर युग-युगान्तर तलक वइसेनइ ही रही।<sup>9</sup>हर तरह क अपरिचित उपदेस स भरमावा न जा। तोहरे मने क बरे इ अच्छा बा कि उ अनुग्रह क द्वारा मजबूत बन रहा न कि खाइ-पिअइ सम्बन्धी नियमन क मानइ स, जेनसे ओनकर कबहुँ कउनउ भला न भवा होइ, जे ओन्हे मानेना।

<sup>10</sup>हमरे लगे एक अइसेन बेदी अहइ जइसेन प स खाइ क अधिकार ओनका न होइ जउन रावटी मैं सेवा करत हीं।<sup>11</sup>महायाजक परम पवित्तर स्थानन प पाप-बलि क रूप मैं पसुवन क लहू त लइ जात हीं, मुला ओनकर सरिीर डेरा स बाहेर जलाइ दीन्ह जात हीं।<sup>12</sup>इही बरे ईसू तउ खुद अपने लहू स लोगन क पवित्तर करइ क बरे नगर दुवार क बाहेर यातना झेलेस।<sup>13</sup>तउ फिन आवा हमहूँ इही अपमान क झेलत भए जेका उ झेले रहा, डेरन क बाहेर ओनके लगे चली।

<sup>14</sup>काहेकि इहाँ हमारा कउनो स्थायी नगर नाहीं बा बल्कि हम तउ ओह नगर क बाट जोहत अही जउन आवइवाला अहइ।

<sup>15</sup>अतः आवा हम ईसू क द्वारा परमेस्सर क स्तुति रूपी बलिदान करी जउन ओन ओठन क फल अहइ जे ओनके नाउँ क पहिचाने हयेना।<sup>16</sup>अउर नेकी करब अउर आपन चीजन क अउरन क साथे बाँटब न भूला। काहेकि परमेस्सर अइसेनइ बलिदान स खुस होत ह।<sup>17</sup>आपने नेतन क आज्ञा माना। ओनके अधीन रहा। उ

पचे तोहेपे अइसेन चउकसी रखत हीं जइसेन ओन्हन मनइयन प रखी जात ह जेका आपन लेखा-जोखा ओन्हे देइ क बा। ओनकर आशिया मानअ, जेसे ओनकर करम आनन्द बनी जाइ। न कि एक बोझ बनइ। काहेकि ओसे त तोहर कउनउ लाभ न होये।

<sup>18</sup>हमरे बरे बिनती करत रहा। हमका निश्चय कि हमार भावना ठीक बा। अउर हम हर तरह स उहइ करइ चाहित ह जउन उचित बा। <sup>19</sup>मई बिसेस रूप स आग्रह करित ह कि तू पराथना करत रहा ताकि जल्दी ही मई तोहरे लगे आइ सकउँ।

<sup>20-21</sup>जे भेड़न क उ महान रखवाला हमार पभू ईसू क लहू द्वारा उ सनातन करार पे मोहर लगाइ क मरा भएँ मै स जियाइ उठायेस, उ सान्ति-दाता परमेस्सर आन्तरिक करार प्रभावित करे अहइ। तोहे सभन क

अच्छी साधना स सम्पन्न करइ। जइसेन तू ओनकर इच्छा पूरी कइ सका। अउर ईसू मसीह क जरिये उ हमरे भितर उ सब कछू क सक्रिय करइ जउन ओनका भावत ह। जुग-जुगान्तर तलक ओनकर महिमा होत रहइ अउर जउन ओका अच्छा लागत रहइ। आमीन!

<sup>22</sup>भाइयो तथा बहिनियो मोर आग्रह बा कि तू प्रेरणा देइवाला मोरे इ बचन क धारन करा। मई तोहे इ पत्र बहुत संछेप मै लिखे हउँ। <sup>23</sup>मई चाहत अहउँ कि तोहे जानकारी होइ कि हमार भाई तीमुथियुस रिहा कइ दीन्ह गवा अहइ। अगर उ जल्दी ही आइ पहुँचइ तउ मई उही क साथे तोहसे मिलइ अउबइ। <sup>24</sup>अपने सभन अग्रणियन अउर परमेस्सर क लोगन क नमस्कार कहा। इतालियावाले स आवा सभी लोगन तोहे नमस्कार भेजत अहउँ। <sup>25</sup>परमेस्सर क अनुग्रह तोहे सभन क साथे रहइ।

# License Agreement for Bible Texts

World Bible Translation Center

Last Updated: September 21, 2006

Copyright © 2006 by World Bible Translation Center

All rights reserved.

## These Scriptures:

- Are copyrighted by World Bible Translation Center.
- Are not public domain.
- May not be altered or modified in any form.
- May not be sold or offered for sale in any form.
- May not be used for commercial purposes (including, but not limited to, use in advertising or Web banners used for the purpose of selling online ad space).
- May be distributed without modification in electronic form for non-commercial use. However, they may not be hosted on any kind of server (including a Web or ftp server) without written permission. A copy of this license (without modification) must also be included.
- May be quoted for any purpose, up to 1,000 verses, without written permission. However, the extent of quotation must not comprise a complete book nor should it amount to more than 50% of the work in which it is quoted. A copyright notice must appear on the title or copyright page using this pattern: "Taken from the HOLY BIBLE: EASY-TO-READ VERSION™ © 2006 by World Bible Translation Center, Inc. and used by permission." If the text quoted is from one of WBTC's non-English versions, the printed title of the actual text quoted will be substituted for "HOLY BIBLE: EASY-TO-READ VERSION™." The copyright notice must appear in English or be translated into another language. When quotations from WBTC's text are used in non-saleable media, such as church bulletins, orders of service, posters, transparencies or similar media, a complete copyright notice is not required, but the initials of the version (such as "ERV" for the Easy-to-Read Version™ in English) must appear at the end of each quotation.

Any use of these Scriptures other than those listed above is prohibited. For additional rights and permission for usage, such as the use of WBTC's text on a Web site, or for clarification of any of the above, please contact World Bible Translation Center in writing or by email at [distribution@wbtc.com](mailto:distribution@wbtc.com).

World Bible Translation Center

P.O. Box 820648

Fort Worth, Texas 76182, USA

Telephone: 1-817-595-1664

Toll-Free in US: 1-888-54-BIBLE

E-mail: [info@wbtc.com](mailto:info@wbtc.com)

**WBTC's web site** – World Bible Translation Center's web site: <http://www.wbtc.org>

**Order online** – To order a copy of our texts online, go to: <http://www.wbtc.org>

**Current license agreement** – This license is subject to change without notice. The current license can be found at: <http://www.wbtc.org/downloads/biblelicense.htm>

**Trouble viewing this file** – If the text in this document does not display correctly, use Adobe Acrobat Reader 5.0 or higher. Download Adobe Acrobat Reader from: <http://www.adobe.com/products/acrobat/readstep2.html>

**Viewing Chinese or Korean PDFs** – To view the Chinese or Korean PDFs, it may be necessary to download the Chinese Simplified or Korean font pack from Adobe. Download the font packs from: <http://www.adobe.com/products/acrobat/acrrasianfontpack.html>